

阿文成公年譜

阿文成公年譜卷三

受業

王

昶勘定

第三子孫那彥成恭纂

盧蔭溥增脩

乾隆二十九年甲申四十七歲

三月初四日

諭曰著派阿桂往署伊犁將軍事務卽令明瑞來京

十一日

諭曰四川總督阿爾泰著來京陛見其總督印務著尙書阿桂馳驛前往署理阿桂現有西寧查辦之事阿爾泰

俟其到川交代後再行起程

諭曰據七十五奏番人郭羅克瑪克蘇爾哀布告稱現在郭羅克等肆行盜竊從前提督岳鍾琪會將伊父用爲頭目管束不致散處爲匪今若將瑪克蘇爾哀布用爲頭目可以約束應請特派大臣前往查辦等語此事雖據瑪克蘇爾哀布稱岳鍾琪會於三部內將伊父授爲頭目但當時所派番目是否足資彈壓今若將瑪克蘇爾哀布統攝別部番衆果否足杜盜匪之原雖在該番不無借約束衆人祇圖自利之意但現在地方果有盜匪竊發理應酌量辦理且近年金川與附近番寨時相

構覺雖經該督屢次摺奏而一切事宜正須面爲籌議  
現派尙書阿桂馳驛先赴西寧會同七十五及章嘉呼  
圖克圖將選派頭目管轄之處辦有端緒卽令其前來  
四川暫攝督篆阿爾泰俟其到省交代起程任內一切  
應辦之事可卽告知阿桂令其接辦在阿爾泰到京面  
奉指示則回任辦理更易遵循而阿桂在川旣悉情形  
將來回京籌酌於該省事務尤多裨益將此詳諭阿爾  
泰知之

六月十六日

公偕岳鍾璜奏言臣等於五月內前後接據西路

委員稟稱五月初間金川欲在附近丹壩之會籠籠地方添修礮卡當卽駕馭丹壩士兵盃撥三雜谷土兵共五百餘名於五月初七日乘夜攻取金川未及修完之卡次早金川番人前來撲奪又被擊退金川傷者甚多又據稟稱小金川鄂克什兩土司已差人向綽斯甲布商議俟有回音方能動手而綽斯甲布以上年各土司內惟丹壩一路依舊會攻餘多爽約不肯訂期現在設法勸諭臣等伏思上年自夏徂秋各路攻擊金川雖未克寨摧礮而屢次擊殺似亦稍挫其鋒若再乘此收穫之

時四路進攻使之應接不暇藉以擾其莊稼如此  
二三年日形彫敝自當機有可乘今之以番攻番  
原卽爲將來犁庭掃穴之地臣等悉心計議惟有  
恪遵光明正大之

訓諭先將金川罪在不赦斷不似從前之曲爲寬宥致貽  
各土司後患曉諭以破其疑並將新立賞格通行  
宣示以鼓其氣且各土司旣欲聽命於綽斯甲布  
更當設法鼓勵第前此所委皆係微末員弁久駐  
其地各土司視爲尋常諭導未能得力因令西路  
之署副將長清同知崔鏞南路之遊擊宋元竣同

知盛英分路前往各寨命傳諭工噶諾爾布以新  
任總督現奉

欽命來川聞爾綽斯甲布向爲衆番領袖出力攻打金川  
特爲傳諭獎賞至即卡從前於瀕死之時曲加寬  
宥乃不知改悔屢次欺壓鄰封其罪實無可赦此  
番務當剿滅斷不肯再畱各土司後患爾等能立  
首功現在賞賚必什倍於衆土司而將來成功後  
皇上加恩亦必在各土司之上若使始勤終怠即卡狡獪  
異常且與爾等結怨已深苟得稍爲休息必將四  
出擾害爾等強者不能安枕弱者不能自立尙能

與之和好乎其小金川鄂克什梭磨從噶克卓克  
采丹壩草布什咱等亦各就伊等情形反覆激勸  
益將丹壩近日奪卡得勝情形告以乘此金川收  
獲之時齊心奮力或暗放夾壩或明攻礮卡或聲  
東擊西或前虛後實務使金川日漸疲敝分令委  
員等前往鼓勵益令審察情形先行飛報再現在  
正當緊要之時勸諭各土司及時會剿臣阿桂若  
卽出口恐致伊等奔走迎接轉悞師期擬俟大局  
稍定於七月內前往巡邊至雜谷地方接見各酋  
察其光景再爲相機辦理



公又奏言臣蒞任後查知今歲二月間金川番人常在卡外叫喚稱屢次遣人投稟均爲綽斯甲布土司所阻該委員等隨將郎卡所稟接收詳悉譯看大概自稱原不敢干犯

天朝惟因衆土司欺凌攻擊奪取穆爾津岡今欲將所取丹壩人口什物如數獻還乞飭各土司將兵撤去至穆爾津岡原係金川之地不能退出等語該委員差人曉諭往返數次堅執不移阿爾泰等以郎卡既不肯退地飭令嚴加拒絕四月間金川番人又叫數次亦因其狡詞支飾概置不問臣思郎

卡通使內地竟爲縹斯甲布所阻是各番之讎怨甚深九土司環攻之舉更爲勢不容已第耶卡之敢於恣肆者不過恃其地險碉堅而其所以不敢明肆跳梁者亦知一動大兵不能再邀

恩於格外從前十二三年間番衆疲於奔命懲創甚深是以現在祈求如此但此時既無機會可乘若卽聲罪致討曠日持久勞費實有不貲究之金川不過彈丸誠如

聖諭滅之不足以爲武衡其大小輕重斷斷可以不必但既有此一番梗化而無所創懲久之諸番必且生

玩褻之心故臣又以爲非但此時郎卡未必遽肯  
退還侵地卽令退地求降亦必嚴爲擯斥督令各  
土司等於每歲種植收穫時四面進攻使之農稼  
無收貲糧罄盡二三年後罷疲不堪然後再以大  
兵臨之諒無不克若止顧目前之息事而不慮將  
來之終復生事究非永靖邊疆之長策也茲阿爾  
泰入覲

天顏自必面陳一切仰邀

聖鑒

臣

此時虛衷咨訪稍有定見卽爲悉心籌畫均奏入

諭曰阿桂奏綽斯甲布等九土司與郎卡互相攻擊各情

形內所稱虛衷體察全局機宜不必急於辦理所見甚是至其第一摺所奏將金酋罪在不赦傳諭各土司以破其疑等語則未免迹涉張大於現在事理未協在金酋等讎覺相尋正如鼠鬪穴中本屬外番常有之事督臣爲邊方重鎮卽欲相機辦理亦惟不動聲色先爲體勘確情再行斟酌措置方得控馭大體况朝廷於此等么麼醜類如郎卡之垂涎鄰封固不爲之護庇而綽斯甲布之欲除已害亦不爲之抑制此正所謂光明正大之道若如阿桂所云金酋罪不可赦則似郎卡實已獲罪天朝於理卽當聲罪致討又豈應假手九土司竟類

常人挑構取事者所爲耶至遣官前往曉諭綽酋新任  
總督欽命來川云云又竟明示以出自朕旨特令阿桂  
爲總督專辦此事者然無論有乖體制且徒使會目等  
因此驚惶駭聽又安足以破其疑總之揆諸此時應行  
籌酌事宜均不免爲過當也阿爾泰現既來京請訓阿  
桂在彼先事悉心熟計藉巡邊以察其動靜一切務須  
安詳鎮定坦然行所無事惟自守其另摺之說待阿爾  
泰回任商權定局可耳將此詳諭阿桂知之

二十六日

公奏言查乾隆二十六年金川土司莎羅奔身故

據郎卡懇請將莎羅奔骨殖送藏金令喇嘛温布  
壬占噶等赴藏學經等情具稟經原任督臣開泰  
允准委員護送入藏移咨駐藏大臣將該喇嘛等  
安插各寺廟學習經典嗣於乾隆二十七年金會  
未經滋事以前據在藏學經之金川喇嘛索諾木  
伊什等三人以學經事畢情愿先行回巢准駐藏  
大臣轉解來川又經開泰等飭令回巢近准駐藏  
都統富鼐等咨稱據在藏學經之金川喇嘛温布  
壬占噶等九名以學經事畢稟請回巢相應咨解  
赴省臣阿桂竊思金會郎卡怙惡滋事罪在不赦

其喇嘛溫布王占噶等九各自不應遣令回巢若  
暫行羈候爐城該地距金川不遠倘有疎虞乘間  
免脫以致透漏消息尤關緊要當經臣飛飭沿途  
文武官即將溫布王占噶等多撥兵役徑行速押  
來省除俟抵省後暫令在成都昭覺寺安插看守  
外該喇嘛溫布王占噶等赴藏學經係在郎卡未  
與各會構釁以前尙非有罪之人或應卽在成都  
昭覺寺喇嘛寺安插抑或徑解京師在各廟安插  
之處伏祈

訓示遵行奏入

諭曰暫在成都安插事定請旨或可問伊等郎卡情形也

二十八日

諭曰前據阿桂奏查看土司互擊情形一摺現在金酋等不過自行蝟鬪並無獲罪天朝之事前降諭旨甚明卽阿爾泰到京所言亦止於此將來相機籌辦竅要實不外乎是亦不屑別有所設施也但阿桂摺內有於九月間查邊之語阿爾泰現已到京陛見若照常回任八月初旬早可抵川朕因阿桂有應豫行前往體訪之處是以令其待至七月候送木蘭再行起程然量其程期遲亦不過在仲秋之末卽可到川若阿桂俟其到川後再



行巡查則轉似另設一總督專辦其事既於觀瞻未協若竟爾停止又未免有失信番酋之跡莫若此時早爲部署起程一切畱心察勘事竣回省則阿爾泰亦卽到川之時彼時會晤將土酋行徑詳悉告知亦可熟籌妥辦於事理庶爲允協而阿桂來京後此間亦詳知番中情形將此卽傳諭阿桂知之

七月二十六日

公請將西安移駐涼州滿兵一千五百名改駐成都金言成都僅有副都統一員管轄恐有不周查四川督臣皆由旗員補放應請將成都滿兵卽歸

督臣管轄尋常案件副都統承辦其軍政保薦及整飭營伍俱令請示督臣會辦下軍機大臣議行

八月初五日

公偕岳鍾璜奏言臣等於六月內節據委員等稟

稱五月十五日綽斯甲布遣放夾壩殺死金川二人又六月初四十八二十三等日小金川遣放夾壩三次殺死金川男婦六名捉獲六人又初八十三等日梭磨卓克采從噶克丹壩四土司派出土兵兩次攻撲穆爾津岡戰碣俱因碣內已有準備不能前進又據小金川土司澤旺稟稱前被金川

捉去今送回之放哨土兵桑噶帶有郎卡書稟內稱前此節經具稟因駐劄丹壩之漢官不收故將桑噶放回稟明情節我自要與丹壩講和以後安靜居住等語又初五十三等日金川逃出番人格烏彭塔爾資格烏二名逐一研訊據稱郎卡現於各處添修碉卡四路隄防番衆不能休息等語查郎卡放回被擄土兵投具書稟並非實有悔過之心不過欲展其惑衆緩兵之計第恐小金川澤旺年老昏憤伊子僧格桑童穉無知墮其術中亦未可定已飭該委員等剴切曉諭毋令爲其所惑奏

入報

聞

十四日

公奏言

臣

巡查邊徼於七月十八日抵雜谷腦有

綽斯甲布等九土司各遣親信土舍頭目阿咱拉  
等迎接請安

臣

隨傳見示以誠信據稱我等土司

因現與金川對壘不及前來特差我等請安其合  
勦金川一事尙求分付

臣

諭以攻勦金川原係汝

等土司稟知前任總督自願合兵攻擊若以均係  
土司而論本不應准汝等合攻但郎卡屢次侵擾

鄰封衆土司公憤所激欲除已害所以前任總督  
不爲禁止如今聽聞汝等不似初時齊心努力究  
竟汝等實在務滅金川抑或耶卡求和即可退兵  
息事據頭人等僉稱我等土司實欲殄滅金川永  
除後患若從此退兵不過一二年金川又將生事  
我等再不得各安生理惟是金川地險稠堅急切  
未能攻破而各土司內力量之強弱不同地方之  
遠近不等兩年以來我等土兵口糧艱窘尙求

天朝加恩臣又諭以耶卡如果得罪

天朝自當發兵征討亦不俟汝等懇求今係汝等挾忿

私攻思除已害若使遽然歇手豈不盡棄前功爲人恥笑此後正當莊稼收割之時同時傳諭汝等土司各自努力如果著有功效總督大人自當別有辦法反覆曉諭量加賞賜遣令回巢俟督臣阿爾泰回任時臣與熟籌妥計或就現在局勢量爲鼓勵進攻以待機會奏入報

聞

公又奏言臣此次親至番地訪詢金川近日情形今歲夏間金川一帶地方大雨連綿山水漲發低窪田地多被水淹五六月收穫時又有田鼠之害

嚙損禾稼甚多郎卡所部番人雖有數千戶近被  
九土司攻勦輪流防守亦頗勞苦皆云爲日已長  
不如與各土司和好而頭人又不敢明言勸止郎  
卡惟令各番添修碉卡悉力堵禦自言若止九土  
司攻擊尙屬無妨如其漢兵前來另有計算欲藉  
此語以安衆人之心臣查自去年構釁以來綽斯  
甲布小金川丹壩巴旺各處既有委員駐守而丹  
壩巴旺二處又派雜谷腦土兵嚕密土兵駐扎協  
防以郎卡之狡獪豈不知內地已有主張但不肯  
明言速禍且欲以尙未見棄於

天朝爲安慰屬番之計故於各委員前不憚再三具稟  
而又不肯爲乞憐之狀此時祇可聽之再看九土  
司如何攻擊徐爲相機辦理奏入

諭曰阿桂奏前往番地體察各會情形摺內所稱郎卡狡  
獍豈不知有內地主張但不肯明言速禍且欲以尙未  
見棄天朝爲安慰屬番之計等語所見頗悉番會情狀  
看來以番攻番自是乘機善策九土司等果能齊心協  
勦其勢實有可圖但各土司未經明白傳諭未免尙存  
觀望遲疑之見金傳諭阿桂俟阿爾泰回任時悉心會  
商妥議不必云奉有諭旨但稱欽差總督之意明諭九



土司郎卡反覆狡獪爲衆土司之害彼雖藉詞欺誑番屬自以爲不見棄於天朝然天朝豈肯以衆人之蠹曲爲覆庇是以從前請頒印信現在存留成都不准給發爾土司等集衆在攻原爲自己除害起見欽差及總督控制邊隅不但不爲之禁制且有應行獎勵之處亦決不爲之靳惜爾土司等能殄滅此酋所有金川之地就各番寨所近卽令分析畫界管理如此開導土司等既可剪滅仇讎又得增開疆土自必倍加踴躍其事尤屬易成而於內地不動聲色鎮靜邊番之道亦深有裨益阿桂與阿爾泰卽熟行計議一面相機妥辦一面將宣

諭後該土司等情形若何據實奏聞阿桂不必在川候旨卽來京可也

公又奏言臣此次巡邊先出維關至雜谷腦次由茂州疊溪平番松潘漳臘各營協至黃勝關沿途查看川西沿邊一帶山嶺重複氣候頗寒兵丁本覺強健又因與諸番錯處相習亦耐勞苦可稱勁旅再臣前至雜谷腦看得新撫雜谷蒼旺番民二千八百餘戶內共設屯兵三千名頗稱矯健自備器械亦尙整齊若結之以恩可爲番地有用強兵

奏入

諭曰阿桂奏巡邊查閱營伍摺內所稱新附雜谷蒼旺番民三千餘戶一節此事端委未甚明晰已於摺內批諭蒼旺番民自前此策楞等辦理之後其設立土屯是否兼隸內地官員管轄抑或另設屯弁專管并現在兵制營務一切情形著傳諭阿桂令其詳悉查明奏聞

又

諭曰阿桂奏松茂道駐劄茂州有彈壓諸番之責向來道員每藉口在成都辦公駐茂之日恆少殊曠職守請分別改隸以杜推托等語著照所請將成都綿州二屬改歸驛鹽道兼巡其松茂龍安雜谷廳所屬專令松茂道

員管轄金兼兵備職銜改爲題調之缺其松潘鎮屬各協營都司以下均聽其節制該道駐劄地方所需賞費頗繁本任廉俸之外應於公項內量爲增給之處該督阿爾泰酌議妥協辦理

三十日

公奏言乾隆九年督臣慶復於郭羅克善後事宜案內請令松潘泰寧派遣千把總各一員各帶兵二十名於郭羅克草賚兩處地方偵察巡駐並派兵十五名於小阿樹等五處安設塘遞以通消息等因在案乾隆十八年又經督臣黃廷桂以草賚

原駐把總一員兵二十名數少難以兼顧請令泰  
寧協副將轉飭德爾格等三土司加派土兵交駐  
防官兵督率於夏秋數月一體巡防其駐防郭羅  
克把總一員兵二十名移駐阿壩之色任卡地方  
以資防護增兵十五名酌畱九名分設三塘以通  
文報等因亦在案臣此次巡邊查得色任卡地方  
在黃勝關外十有餘日之程而草蕘亦去打箭爐  
寫遠自設防兵以來不惟郭羅克搶劫如故而被  
劫之案亦從未有經防兵緝獲者蓋孤懸番地方  
弱兵單每歲徒費口糧鹽菜等項銀一千餘兩竟

成虛設應請將此兩處弁兵及安設臺站之處均  
行停止酌令該鎮協於每年八九月夾壩肆行之  
時各派諳練千把一員各帶兵二十名酌給口糧  
鹽菜赴色任卡草賚地方令阿壩及德爾格等土  
司就近添撥土兵協同於郭羅克接壤地方巡查  
一次其有控告盜劫之案易於查辦者該弁卽爲  
剖斷完結倘案情稍大卽報明該管鎮協秉公速  
辦均於十月內卽行撤回奏入得

旨允行

九月初一日

公偕岳鍾璜奏言據委員等稱六月十八二十二  
七月初三二十九等日小金川遣放夾壩四次殺  
死金川男婦十一名捉獲四名小金川土兵陣亡  
十餘名七月初九二十四五等日金川遣人屢至  
小金川地方偷放夾壩亦互有殺傷又七月初九  
日鄂克什撥派土兵由工噶爾拉遣放夾壩適遇  
金川放哨之兵正在對敵間經小金川土兵聞聲  
赴援協同擊殺金川多人次日金川前來打仗復  
被小金川擊敗又六月二十五日草布什咱派土  
兵五百名由正地一路進攻生擒布拉克底番人

二名又六月三十日及七月十九二十四二十六  
七等日縛斯甲布派兵攻搶俄坡穆克等處均有  
斬獲臣等飭令各土司嚴飭守卡各番如有逃來  
金川番人以及詐稱逃出潛來聽信者速卽拏解  
聽訊奏入報

聞

十六日

公偕岳鍾璜奏言據小金川土司澤旺將自金川  
逃回之番人阿斯塔解省究審訊據供稱本名阿  
斯塔後改名噶圖卜彭原係小金川僧格宗人前



年逃往金川郎卡給與田地今年五月頭人舍利  
斯丹巴布爾資令赴小金川探聽各土司如何商  
議僉漢兵來與不來行抵布朗郭宗卽被拏獲至  
現在金川各路防守嚴密周圍添設二百餘座碉  
房每座或二三十人或七八十人輪流防守夏間  
雨水甚大田被水淹又有鼠雀傷損糧食窮人無  
以爲生無不報怨郎卡再金川素不產茶出鹽亦  
少今四面不通鹽茶已經斷絕至金川管事大頭  
人是布籠會阿什咱薩不丹科爾吉策楞温布舍  
利斯丹巴布爾資達克新占五人現在綽斯甲布

雖與金川有親金不差人來往其餘各土司認真  
攻擊亦無私通金川情事等語查噶圖卜彭既係  
差來奸細應請卽行正法其澤旺據實查出解送  
殊屬可嘉業已酌量獎賞奏入報

聞

公又奏言竊臣欽奉

上諭著旺番民自前此策楞等辦理之後其設立土屯是  
否兼隸內地官員管轄抑或另設屯弁管轄臣現在兵  
制營制若何令臣詳悉查明具奏臣查乾隆十七年雜  
谷土司著旺滋事策楞等辦理後其雜谷臘干

堡上下孟董九子寨改土歸流業經奏准將威茂  
協副將及中軍都司一員帶兵四百名移駐保縣  
舊城茂州右營都司一員帶兵三百名移駐雜谷  
腦彈壓防守金將瀘寧同知改爲理番同知移駐  
舊保縣承辦案件並徵收番糧六百餘石又於各  
寨番民內酌設屯兵三千名設立土都司守備三  
員屯總五名及大小總旂等項頭目分隸管束其  
軍器等項俱照向日所習聽其自備平時力作備  
工不支糧餉遇有調遣照土兵之例支給守糧亦  
不定期操演惟令該協於每年秋間點驗一次如

有衰弱裁汰另補至各土弁仍聽該管文武統轄  
嗣乾隆二十三年原任督臣開泰請於錢局加卯  
鼓鑄餘息銀兩酌撥七百餘兩分賞管轄屯兵之  
頭目等七十七員以資養贍又酌撥銀二百四十  
兩買備菸茶牛隻於僉兵之時分賞以示鼓勵現  
在遵照辦理規則尙屬妥協惟是臣此次巡邊查  
得各寨番民常在該管文武衙門聽候差遣而預  
備夫馬爲數頗覺過多已嚴飭該協丞減去十之  
八九酌定數目移咨提督存案永除額外差派以  
仰副我

皇上加惠邊番至意奏入報

聞

二十九日

公偕四川總督阿爾泰提督岳鍾璜奏言查緯斯甲布九土司會攻金酋一案屢奉

諭旨令臣等熟籌妥辦竊以郎卡所恃不過地險礮堅然合計衆土司之力較金川多至數倍若果奮力攻擊必可成功是以番攻番實爲鎮靜辦理之善策查九土司內如巴旺草布什咱地小兵單祇可藉以牽制一隅鄂克什不與金川接壤且亦兵少力

弱不過附於金川爲一旅之助其梭磨從噶克卓  
克采力量雖大但地勢隔絕進攻頗難又丹壩一  
部係雜谷土舍於乾隆二十四年始行分設土司  
地小力微逼近金川屢被侵凌勢難自立惟綽斯  
甲布番部其地勢兵力堪稱金酋勁敵且與金川  
連界之處甚多進攻頗易綽斯甲布與丹壩如果  
各思努力再加以小金川之衆則金酋小醜實有  
可圖第攻守之勢既異要須持之以久方可使金  
酋疲敝愚番祇顧目前必在隨時提掇酌加賞卹  
以鼓其奮往僉於每歲金酋種植收穫時四面環

陞 卷之三  
攻使之顧彼失此常時則惟相機而進俾各土兵亦得休息庶爲有益臣等酌議於明歲各部土兵進攻要緊之時量給口食之費並照現定賞格或割獲首級耳記及陣亡帶傷者量予賞卹庶各部番兵可期得力

十二月回京仍任工部尙書

是年子阿迪斯擢三等侍衛

十一月十六日第三孫那彥成生子阿思達出

三十年乙酉四十九歲

正月初六日

上巡幸江浙

命畱京辦事

二月奉

旨管理禮部印鑰

閏二月烏什逆回滋事

十五日

諭曰前諭阿桂明亮俟朕南巡旋蹕時再請訓前往伊犁  
今明瑞既往烏什著傳諭阿桂明亮不必守候回鑾卽  
馳驛至行在請訓前往伊犁辦事

三月二十七日



諭曰據明瑞查奏素誠納世通卡塔海等情事朕已節次  
鑒悉故一切專委明瑞辦理又命阿桂前往協辦阿桂  
至烏什卽同明瑞傳旨將納世通卡塔海於軍前正法  
看來烏什回人雖罪在不赦亦大臣等擾累所致自宜  
分別辦理著傳諭明瑞此時尙未克城卽將查奏情事  
宣諭招撫若抗拒如前仍盡行剿殺至善後事宜已派  
永貴前往喀什噶爾將來陸續辦理阿桂著速赴烏什  
一切事宜與明瑞會議具奏明瑞先回伊犁阿桂畱烏  
什數月俟事定後與永貴交代後再往伊犁接辦明瑞  
所管事務明瑞於來年回京亦可俱著傳諭知之

四月初七日

諭曰逆賊等倚恃城堅糧足敢行抗拒朕已節次傳諭不必徒事攻擊惟嚴防要隘俟其自斃至納世通等攻守一隅屢戰挫衄久畱該處必至僨事昨已降旨將納世通卞塔海於軍前正法明瑞此時且不必宣露俟阿桂到彼一同傳旨辦理納世通等俱擾累同人爲衆所惡若不早正典刑則回衆不知天朝法絕著一面傳阿桂速行前往烏什將納世通卞塔海正法後其所領官兵卽著阿桂管轄與明瑞協力取城

二十日

諭曰據阿桂奏現在明瑞所領之兵尙有盈餘但圍城總覺不足因詳細會議添派兵丁二千名等語明瑞在彼一切事宜皆當辦理今阿桂既經知會自當盡心選練勿致遲延貽悞

二十七日

諭曰阿桂奏稱從前辦理軍務時參贊領隊大臣俱不另行奏事今烏什事體雖小業經將軍前往應照向例或同將軍列名或具呈轉奏庶事權歸一亦可省臺站之勞等語辦理烏什非從前平定準夷回部可比且進攻烏什時明瑞在東納世通在西各有分地一切情形若

待呈明將軍然後具奏必致耽延時日現在各處駐劄大臣有事豈能一一呈明將軍代爲具奏耶納世通等罪在有心欺隱諱敗爲功若另行奏事尙無妨碍阿桂至烏什領納世通之兵仍將城西攻守情形酌量卽行奏聞有會商之事卽合詞具奏伊等和衷與否全不在此再阿桂奏請辦理軍務暫用何處印信阿桂抵烏什時永貴尙不能至著暫用喀什噶爾大臣印信計永貴至彼烏什應已歲事明瑞離伊犁日久人情未免揣測著卽先回阿桂多畱數日再與永貴交代前往伊犁全傳諭明瑞知之

六月初二日

公奏言前因明瑞所領之兵恐不敷用隨經札商據咨賊勢雖漸窮蹙但殲滅之期難以豫定似宜增兵二千名至此事既經陳奏應候

諭旨於途次就近辦理臣以烏什現在情形尙未深悉所有增辦兵丁果能剋期前往與否亦難懸擬請遵旨仍候明瑞酌辦奏入

諭曰明瑞阿桂稜文往復未免互相推諉在他人且不可况伊二人爲朕所簡用者乎卽如進剿烏什一事近經明瑞等奏捉生訊問俱稱賊人口糧將絕自可計日克

城且攻城非策惟堵截逃竄之路最爲緊要何必增調兵丁若專爲圍城起見則不但二千人雖有萬衆尙恐不足况鄂津已領兵五百前往亦可協助明瑞在烏什確諳情形自當以不必增兵咨覆乃因此奏出自阿桂卽令其自行辦理阿桂又不敢固執已見惟以情形未悉爲言似此推諉游移將來恐有貽悞明瑞阿桂俱著傳旨申飭增兵一事卽著停止

初三日

諭曰據明瑞奏准阿桂咨已令愛隆阿由伊犁派兵二千遣赴烏什亦不必拘定原數等語昨以明瑞阿桂於增

兵一事互相推諉因傳旨申飭但明瑞業經行文愛隆阿應已辦理陸續起程若又行撤回徒滋紛擾著照明瑞所奏行但明瑞奏內似以派兵一事專出阿桂之意蓋因阿桂年長又係朕特遣故相推讓阿桂不必疑爲諉卸又明瑞謂身離伊犁數月未悉彼處情形應交愛隆阿酌量辦理語亦非是明瑞酌量調兵愛隆阿不過聽候委辦豈敢專主且明瑞離伊犁未久彼處情形安得諉爲不知此皆明瑞未經諳練所致阿桂閱歷有年前至軍營明瑞務與和衷集事不可稍存彼此之見

初五日

諭曰此次辦理烏什事務額敏和卓之子素賚璫茂薩鄂對之子鄂斯璫布魯特散秩大臣阿奇木俱能奮勉出力著傳諭明瑞阿桂等酌量將彼處綢緞賞給以示鼓勵有應行交部議叙之處照例具奏且彼處所有回人布魯特內如有似此奮勉者著明瑞阿桂一併查明奏聞此際烏什事務情形若何之處亦著迅速具奏

初六日

諭曰阿桂奏稱烏什增兵一事已行文烏魯木齊提督五福等將該處綠旗兵一千名辦理起程一面於伊犁兵丁內揀派千餘名陸續前來等語昨據阿桂奏請增兵



朕卽謂賊衆將屆絕糧烏什計日可克毋庸增派兵丁  
續慮愛隆阿已經辦理故仍准調撥今愛隆阿又調烏  
魯木齊兵一千名亦屬多事蓋賊衆逃竄所當豫防而  
綠旗兵多係步行豈能追及逆回截擒其衆明瑞阿桂  
舉動未免張皇恐各城回人聞之妄生疑忌著傳諭五  
福若烏魯木齊兵丁尙未起程卽行停止或遄行未遠  
亦可撤回惟將抵烏什卽畱軍營協助

十三日

諭曰據明瑞等奏捉生訊問情形及連日勦殺收取牲口  
看來賊衆矢志抗拒殊爲可恨明瑞阿桂斷不可仍存

招撫之意此次官兵等奮勉著交部議叙

十八日

公偕明瑞奏言欽奉

諭旨以納世通卞塔海俱係債事之人應於軍前正法以觀音保代領其衆仍候阿桂到時辦理今五月二十五

日臣阿桂行抵軍營臣即將前奉

諭旨傳示納世通卞塔海等隨派員監看卽行正法

奏入報

聞

七月初六日

臣  
公偕明瑞奏言

臣

明瑞等自六月初四初九等日

勦賊後賊衆惟伏守城下並不牧放牲畜

臣

恐其

潛逃於十一日四鼓派兵二百伏於城西林內又  
派兵二百伏於城北塹下爲援十二日有賊百餘  
騎出牧與城西伏兵相遇城北伏兵合力衝擊賊  
不敢入城城內又有賊千餘人突出拒戰復爲我  
援兵擊敗共勦賊百餘名生擒十七名得鞍馬器  
械無算驅其城下所牧牲畜全數歸營其東門水  
磨及所積糧食悉投水中詢問生口云額色木圖  
拉會查核人數已損三分之一

臣

阿桂所得生口

俱言城內口食將盡且不能牧養牲隻俟所調兵

丁到日卽當圍城奏入

諭曰明瑞奏派兵設伏剿殺賊衆毀棄糧食阿桂亦稱賊  
食將盡俟調兵一至卽可攻圍等語看來伊等意見尙  
謂逆賊等以死據守克復甚難雖窮蹙至此猶必待其  
自斃是從前之未曾力戰可知卽如所奏賊人尙在城  
外設立水磨儲集糧石則伊等前此並未近城或較納  
世通卞塔海駐劄之地爲稍近耳又如明瑞在城東駐  
劄今至西北埋伏亦屬可疑西北一帶係阿桂觀音保  
駐劄何以未聞會合策應昨據明瑞奏稱將擒獲生口

幼弱無用者發遣入城以分其口食且使之內潰是尙  
欲招降不知何意又欲於城之四周掘成深塹益屬錯  
謬烏什四面皆山若盡行鑿鑿當於何時可竣伊等辦  
理竭蹶卽此可見明瑞阿桂著嚴加申飭再明瑞等雖  
東西分營駐劄仍須一體籌辦烏什並非大城東西相  
隔必不甚遠焉可仍蹈覆轍各存畛域將來功過伊二  
人同之務遵朕節次諭旨一心協辦不可稍有推諉之  
見

初八日

諭曰據阿桂奏烏什賊衆抗拒時有擒獲婦女等語賊衆

以死拒守自應勦殺其婦女幼童會命送往伊犁今伊  
等勢甚窮蹙猶復怙惡不悛僉婦女亦敢抗拒殊可痛  
恨著傳諭明瑞阿桂克復烏什後查訊賊人婦女內有  
曾經持械拒敵者一併正法毋得稍事姑息

初九日

公偕明瑞等奏言臣等於六月二十四等日勦  
殺賊衆嗣後城下仍有馬步賊人伺我兵稍歇沿  
山牧馬我兵一出隨即逃走十六日臣阿桂觀音  
保來城東營盤議事十七日臣明瑞亦往城西於  
歸途察看城垣由北山下行走爲賊所覺在山巔

以鎗礮相拒忽西門有賊二百餘騎來援城東兵與賊相持城西亦派兵策應賊敗走渡河復以大礮追擊賊逃入東門訊問所獲生口俱稱口糧將盡臣阿桂於十七日夜設伏十八日有賊數百騎出城爲鄂斯璠額森等擊敗伊什明亮永善等率兵截殺賊敗入西門臣等伏思賊衆既不敢出必夤夜潛行隨派兵於附近有草處所埋伏天未明果有割草步賊捉生訊問據供城南山內有昧諾克水泉稍足果食亦多有賊棲止又派兵搜勦是日已刻城北山上有賊騎遊牧巴圖魯侍衛沙爾

瑚善衝入俱行勦殺計前後勦賊四十人捉生六十餘人奪牲隻器械無算奏入報

聞

十三日

公奏言臣與明瑞商調伊犁官兵一千名已抵阿克蘇臣等公議賊力漸弱今又增兵必益加惶懼官兵一到卽令在烏什五十里外之阿禪塔克就水草合隊六月十六日陸續齊集十七日夜移至哈喇巴克查城西營盤馬兵尙少擬城東酌畱二百名其九百名於十八日夜調往城西尙有續調



綠營兵一千各月內可到俟全至軍營再行相機  
辦理奏入報

聞

二十八日

公偕明瑞奏言七月初二日臣等會合官兵奪據  
南山雖有賊人抵禦但隱藏施放鳥鎗官兵追賊  
直至城下毀其塚口數處殺賊二十九人賊衆內  
有喀喇和卓托克三吐魯番村莊頭目夜間呈送  
稟帖開載投降人各併求免死臣等論云爾等於  
大兵初到時何不歸附此時不過希冀免死不便

准降令其回城伊等又稟欲邀結二三百人爲內  
應又懇求公茂薩素賚璫等告以若擒額色木圖  
拉等首惡來獻或可代乞施恩等語續有回人十  
四名來投告稱從前稟請投降人等爲額色木圖  
拉所覺將爲首四人俱已殺害其餘潰散我等乘  
間逃出等語連日捉生訊問俱稱實有其事臣等  
伏思賊人已將內潰此十餘名回人若卽行正法  
愈堅賊死守之心應暫時畱於軍營相機辦理奏  
入

諭曰明瑞阿桂奏本月初二初四等日攻殺賊人立抵城

臣等言  
卷三  
三  
下等語看來從前伊等並未近城不過較納世通等稍  
覺不遠耳至現在賊衆情形已覺困憊不支計此旨到  
應早竣事矣逆賊等死守至於數月甚屬可惡今力窮  
求免斷不可允首惡額色木圖拉尤寸磔不足以蔽辜  
者卽其屬人縛伊以降亦不可姑息仍當督兵進剿著  
明瑞阿桂遵照辦理

八月初七日

公偕明瑞奏言臣等於七月初九日領兵逼近城  
根掘溝築牆防其逃逸忽東門突出賊衆二千爲  
官兵擊敗入城仍不時衝突城西亦然現在各門

俱築長圍俟壘砌堅固自無所逃奏入

諭曰看來我兵從前離城甚遠且掘溝築牆何以早未計及若謂兵不敷用明瑞等身爲將軍卽應據實陳奏若似此圍困賊人雖經年看守亦不能竣事明瑞等著嚴加申飭至伊等旣以長圍困賊無路可逃若仍准納降則姑息過甚斷不可行明瑞等務遵照節次所降諭旨辦理

二十三日

諭曰明瑞等奏七月二十八日派巴圖魯兵六百三十餘名分爲兩隊取城調伊犁遣犯十二名攜雲梯前列攻

東北隅之兵乘賊未覺鼓勇先登奪據城垣有騎賊來  
援俱不能上惟在近城房屋拒守攻西南隅之兵因賊  
已知覺防守未能登城近城之賊又放烏鎗拒戰恐官  
兵有失始行撤回此次登城勦賊奮勉可嘉惜西南隅  
登城稍緩否則竟可克城竣事矣計賊人心膽已寒必  
致內潰著傳諭明瑞阿桂等將此次効力出眾得傷陣  
亡之人俱查明具奏候加恩叙卹其發往伊犁人犯果  
有出眾効力者亦應加恩或可卽令充補綠旗兵丁朕  
前諭將該處城垣拆毀今可毋庸辦及或駐劄綠旗兵  
屯田或移阿克蘇大臣駐劄亦可

二十四日

諭曰據明瑞阿桂等奏烏什平定後酌議駐兵一事朕已諭將該處城垣不必拆毀各城駐劄大臣當以烏什爲總匯之地著永貴駐劄辦事其阿克蘇毋庸駐劄大臣官兵卽移於烏什綽克托亦著協辦烏什事務兼轄阿克蘇喀什噶爾事雖不煩柏琨一員尙覺不足著與額敏和卓同辦事務其各城大臣仍依舊制烏什等城俱聽伊犁將軍管轄隔一二年親往各城巡查一次至烏什地頗肥饒多駐綠旗兵似於屯田有益一切駐兵籌餉事宜著明瑞阿桂等會同詳議具奏

九月十五日  
九月初五日

諭曰明瑞阿桂等奏稱八月十五日克復烏什城等語烏什賊衆敢行叛逆據險死守久抗大兵甚屬可恨今罪人斯得著傳諭明瑞等遵節次所降諭旨辦理此次烏什一事進剿半年僅能克復明瑞阿桂俱朕簡用之將軍大臣如此辦理遲滯豈當復邀議叙

十八日

公偕明瑞永貴額敏和卓奏言臣等領兵築堞圍滅賊人屢次突圍俱經剿殺城內薪芻俱斷惟拆屋取茅以支旦夕人口馬匹倒斃甚多賊衆皆生

怨恨而額色木圖拉仍嚴行脅眾凡欲出投降者  
卽行殺死或將手足折斷暫行圈禁復將餘糧運  
至城內默爾徹爾山上以爲據險苟延之計臣等  
伏思回衆爲額色木圖拉有原充烏什商伯克之  
沙布勒三次差人來告欲擒首惡以獻臣等並未  
允降八月十四日夜有二人出城告知沙布勒錫  
拉卜阿渾等現在城中擒拏助逆各犯等語及天  
曉沙布勒等已先差人將助逆要犯四十二人獻  
出次將額色木圖拉及其子阿穆努拉婿塔伊勒  
等拏獲到營臣等卽將首惡監禁一面差人往探



情形城內死者甚多大小戶口尙存一萬數千有  
零內男子將及四千口乏糧待斃者甚多其稍有  
儲積者亦所餘無幾一時未便卽令我兵進城若  
悉驅賊衆出城辦理又恐兇惡要犯難保無一二  
免脫因關閉城門將原舊伯克並賊人所放伯克  
等姓名依次開列又將鎗礮弓箭刀鎗收取傳集  
回人布魯特等將額色木圖拉等首惡卽行凌遲  
處死此外有名人犯俱行正法外其餘被額色木  
圖拉等疑忌拘禁監獄折斷手足之人併被殺人  
等之兄弟子姪及不食逆賊口糧未隨打仗身體

羸弱各項匠作僕役窮苦之人以及分給官兵餘剩之婦女幼子大小共一萬餘口分爲四起派出領隊大臣觀音保鄂津明亮總管七勒克特伊各管一起帶領官兵護送伊犁遵

旨配給無妻室之厄魯特回子等爲妻併賞給官兵爲奴  
分別辦理奏入

諭曰明瑞阿桂等奏稱烏什賊衆擒獻首惡已分別正法及送往伊犁辦理等語昨據伊等奏報克復烏什語甚含糊距今十二日始以查辦賊衆具奏而所辦又極乖張錯謬卽如賊人戕吾大臣官兵以死拒守及長圍久

困始縛獻首惡希冀苟免誅戮准以天理人情豈復可赦惟盡以軍法從事始足以伸國法而儆頑愚乃辦理半年不能速爲擒剿仍待賊衆窮急自獻始稱竣事豈不貽各回部布魯特人等姍笑且朕屢降諭旨特以此等回人逞兇肆惡若不大加懲創將來或效尤滋事轉非辟以止辟之道今伊等既從事姑息著將送往伊犁人等卽交二人養贍所有官兵往來資糧俱著伊二人償補且前諭得城後查核素誠阿卜都拉等一切情事原欲詳其顛末傳諭中外而額色木圖拉既擒亦應訊取確供再正典刑乃一味草率完局不知伊等十數日

來所辦何事由此觀之則所查正法之賊人亦皆聽信人言未能膠合情理明瑞阿桂著交部嚴加議處俟烏什事竣均著往伊犁候旨

尋議草職從寬畱任

諭曰明瑞阿桂等辦理烏什回城一事已降旨交部嚴加議處但奏摺並未抄發恐衆人不悉其中原委或疑回人既已平定何以不行議叙轉加議處今將伊等奏摺抄發俾衆共知其舛謬之處不一而足卽如今春烏什逆回額色木圖拉等因素誠激變據城抗拒特命明瑞阿桂帶領官兵前往辦理伊等初至時朕因烏什蕞爾

孤城又無外援易於收復官兵毋庸悉銳進攻輕撓鋒  
鏑是以令伊等惟嚴圍困之計使賊回勢窮力蹙則乘  
機攻勦尤爲事半功倍今圍城已及半載逆回芻糧乏  
絕馬斃人饑自生離叛此時攻取易若摧枯况旣知賊  
衆內潰亟聞城內倉皇救火聚集驚惶卽當統率大兵  
悉力攻擊誅殺賊衆以揚我武乃兵已臨城尙退列壘  
內旣經回衆將要賊獻出始行入城復關閉城門收獲  
鎗礮弓箭種種示怯全不知奮勇任事則回城之復定  
尙得謂由伊等收取耶我國家定鼎之初兵威丕振雲  
梯所向立破堅城從未有稍存畏葸退縮不前之事不

謂伊等於烏什彈丸之地選悞周章損我國威伊等罪實在此至素誠等苦累同人各情節雖從前得之俘囚之口今額色木圖拉等正犯既經就獲理應嚴訊起釁緣由及素誠所犯是否屬實使情罪確鑿以成信讞使衆共曉然方結此事之局乃伊等一概置之不問輒將賊黨正法有是理乎明瑞阿桂此次辦理節節錯謬不得不交部議處以示懲創其在事將弁兵丁仍交部分別議叙朕辦理庶務一秉大公賞罰悉期允當此天下臣民所共知而於軍令賞罰之際更所慎重茲將伊等原奏摺發俾衆共知自見其辦理之無紀緒也宜宣諭

中外知之

二十九日

公偕明瑞奏言臣等欽奉

諭旨會議回部事宜定爲章程以昭法守謹將回部各城應行更正之處列款具奏一阿奇木之權宜分查各城舊制以阿奇木伯克總辦事務相沿既久體統益尊而大臣或不能兼聽並觀惟阿奇木是信伊等遂任用私人侵奪小伯克等承辦之事以致諸弊叢生請嗣後一切事件阿奇木伯克俱先交承辦之員俟其呈稟仍與伊什罕伯克會商若有

仍前攬權獨辦許伯克等於該駐劄大臣前控告查訊得實卽治阿奇木之罪虛者反坐一格訥坦之私派宜草回人賦稅頗輕惟厄魯特時有格訥坦各色以備差務每年各城派四五千騰格不等俱係臨時酌派益無定額易滋擾累侵蝕諸弊今各部落使人已官給口糧羊隻大臣等俱有養廉自應將前項陋規禁止查照從前吐魯番定制預擇富戶給與地畝令其輪值每戶一二年間輪辦一次以裕回人生計一回人之差役宜均從前厄魯特時每年派哈喇罕一人和卓一人將各城回



人戶口賦役造冊開除老弱衆所共知後來漸生  
隱匿賄脫之弊應請仍循舊規每間一年派委妥  
員查核一次若有輕重不均一經首告訪聞卽將  
該阿奇木等議處一都官伯克之補用宜公查該  
伯克總辦回人差務最易射利居奇且有阿奇木  
等之子弟親戚踞爲利藪請嗣後該伯克缺出必  
與伊什罕噶雜納齊商伯克公同保舉其阿奇木  
等族姻俱令迴避一伯克等之親隨宜節伯克所  
用親隨謂之顏齊向有定額惟取中等人戶有升  
調別城者但按品級稍爲增益今則濫行挑派多

至數倍且必派富戶其應納賦稅攤入他戶伯克等從中侵蝕而顏齊等又挾制伯克市權攬事擾累同人請將各該伯克之顏齊合阿奇木等公同查核如有額外挑派概行革除一賦役之定額宜明同人等每年應辦賦役俱由伯克指派並不預爲曉示以致放富差貧種種擾累應請將現辦賦役定額令該大臣等以印文榜示俾衆共知如有不遵定額偏枯擾累准其控告虛者反坐一民人之居處宜別內地貿易商民將來漸多所居或與官兵相近尙可彈壓不令生事若聽其隨意棲止

與回人相雜不免易滋事端請交該大臣等徹底  
清查俱令赴駐兵處所貿易若仍與回人雜處卽  
行治罪一伯克等與大臣官員相見之儀宜定自  
平定回部以來阿奇木以下伯克盡無接見定例  
以致該大臣等有妄自尊大者請嗣後阿奇木伊  
沙噶伯克見大臣官員等照總管副總管例其餘  
伯克俱照官兵之例仍令大臣官員等不得稍形  
簡傲奏入下軍機大臣議行

十一月十二日

諭曰阿桂等奏稱烏什屯田兵八百各需用農器在阿克

蘇購買并行知高廷棟將闢展所貯鋤鍬等物解送等語昨楊應琚奏烏魯木齊屯兵一千名所需農器就近在闢展哈密巴里坤取用如不敷由肅州辦在闢展等處所貯農器既解在烏魯木齊烏什又復取用恐有不敷著傳諭楊應琚阿桂等令其會商妥辦務期不悞烏什烏魯木齊二處耕作

十五日

諭曰烏什乃回疆著名大城住回衆甚夥逆回搶奪倉庫應有藏匿米谷餉銀等物明瑞阿桂等收復烏什城池卽應盤查彼時朕若降旨訊問似以盤查俘獲爲要務

且意其徐當查奏何以延至數月並未奏及從前平定  
準噶爾時卽查明俘獲諸物或解京或入官今何以不  
照前次辦理官兵所得係回衆物件自可聽其入已如  
係官項銀兩卽當查出明瑞阿桂辦理烏什事務一切  
不能妥協若謂如此大城竟無物件將誰欺乎從前霍  
集斯將伊金銀等物盡畱烏什後乃互相抵賴由此觀  
之不可謂烏什回衆無物也明瑞阿桂究係如何辦理  
之處著卽明白回奏

十九日

公偕明瑞奏言

臣等前奏將烏什回人送往伊犁

續奉

諭旨將伊等送在內地賞給大臣官員等爲奴臣等於十月二十一日會商併詢問分起帶領之大臣等俱稱此等回人沿途每欲逃竄屢經追獲又竊食官兵馬匹至伊等彼此搶奪鬪毆無時安靜實屬怙惡不悛若離其妻子長途遠送必致滋生事端除病斃及正法匪犯共三百六十餘人外查明從前益未從賊致被監禁折足及棄其妻子出降者共九十一人應從寬貸其餘始終助惡回人二千三百五十餘名臣等帶領官兵於二十三日行至摩

多地方俱經正法所有婦女俱配給無妻之索倫  
察哈爾厄魯特等兵丁其年老婦人童稚男女賞  
給各官兵爲奴臣等因此等回人未便送往內地  
是以酌量辦理奏入報

聞

二十一日

諭曰阿桂等爲索取納喇巴圖將付額爾德尼文及額敏  
和卓與額爾德尼書抄錄具奏阿桂所辦又復姑息伊  
等行文額爾德尼應嚴厲其詞乃僅謂納喇巴圖不可  
容畱有似祈求額爾德尼豈肯聽命且旣已行文何必

令額敏和卓寄書伊書內稱將軍欲帶兵前往經伊阻  
止不但伊等不知畏懼且啟驕蹇之意於事何益著傳  
旨申飭一切遵朕前旨辦理

二十三日

諭曰據阿桂等奏稱審明回犯呢雅斯卽行正法阿什默  
特等犯請分別辦理等語阿什默特受朕殊恩賞給公  
爵補授大伯克乃附從逆酋霍集占又同呢雅斯滋擾  
回衆著將阿什默特并伊妻子解京候旨呢雅斯之子  
赫伊雅斯諸子俱解京分賞王大臣圖拉葉密錫愛資  
雅爾捏稱拍爾渾爲霍集占之子與愛資贊霍卓拉克



附錄五十五  
或衆圖利情殊可惡俱著革去伯克并伊妻子解京分賞王大臣其餘無干人等不必究辦著傳諭阿桂永貴等遵照辦理

二十八日

諭曰從前著明瑞阿桂俱在伊犁候旨二人現今何必駐劄一處安泰前往雅爾地方時原染患病症著阿桂卽行前往更換安泰來京

十二月初七日

諭曰阿桂此次辦理烏什事務甚無章程不必來京工部尙書缺著蘊著補授

是年三月夫人瓜爾佳氏卒

三十一年丙戌五十歲

駐劄雅爾城

三月二十一日

諭曰哈薩克等越卡向內牧放查出時祇須遣回或抗拒  
不去卽將伊爲首之人擒執訊飭若仍不聽從則拏獲  
治罪亦所應得但斷不可借端騷擾爲其所輕况五岱  
前奏竟不可信或伊冒昧邀功或屬下搶擄牲畜俱未  
可定著傳諭明瑞卽赴雅爾會同阿桂將此事徹底確  
查五岱如有誣奏及縱其屬下搶擄之處卽行叅處審

明後著行文曉示哈薩克阿布賚知之

四月初三日

諭曰據阿桂安泰等奏稱伊等說明五岱監禁哈薩克霍集伯爾根收其馬匹牲隻一事緣五岱領兵前往驅逐內徙之哈薩克等聞霍集伯爾根擁兵千餘慮其負固因將霍集伯爾根喚至監禁隨遣兵驅逐凡恭順聽命者任其遷移其抗拒者取其馬匹牲隻概行逐去霍集伯爾根始知惶恐籲請釋放隨即遣去等語雅爾塔爾巴哈臺等處設卡駐兵原以驅逐內徙之哈薩克逐之不去自應從重懲治五岱所辦並不爲過著明瑞前赴

雅爾將現今查辦情由及哈薩克不應內徙如違定行重懲之處一一明白曉諭並移咨阿布賚知之

十七日

諭曰據阿桂等奏稱有哈薩克塔塔拜等十一人懇請內附現今暫居雅爾又有一二鄂拓克人戶亦願內附可否令其在珠勒都斯空地居住等語伊犁等處土地遼濶人烟愈多愈善哈薩克如不得游牧地方或畏懼剽掠情願內附者卽行收畱派員彈壓日久人衆卽可編設佐領昂吉但收畱後卽令居附近地方易資彈壓不必令其往珠勒都斯居住卽哈薩克性情無定或私自

逃遁亦無關緊要將此傳諭阿桂等將現在內附之塔塔拜等卽在雅爾居住不必支給糧餉委派差役嗣後有來歸者悉令於雅爾地方安插由厄魯特哈薩克內著派官員彈壓益諭明瑞等知之

五月二十六日

諭曰阿桂在雅爾該處事宜俱已就緒現今伊犁安置兵民生齒日繁事務冗劇辦理之初必有準則始可以垂永久明瑞一人恐未能審度周詳阿桂著回伊犁協同明瑞辦事烏勒登前往雅爾辦事此特以伊犁事繁欲阿桂協同明瑞辦理妥協阿桂至伊犁時凡事與明瑞

商酌和衷共濟務期效及久遠不可心存畛域此旨到時諒明瑞亦由雅爾回至伊犁矣烏勒登卽前往雅爾更換阿桂赴伊犁辦事將此傳諭明瑞阿桂烏勒登知之

七月十九日

公奏言前定伊犁屯田官兵收穫十一石以上者給予議叙今各處官兵俱已駐久非初次屯田之時可比請嗣後官兵收穫十一石以上者毋庸議叙其收穫十八石及二十石者給予議叙奏入下軍機大臣議行

八月二十四日

公奏言雅爾地方向來雪大而牧場遙遠近城所有地畝不敷五百兵丁耕種悉心查勘得塔爾巴哈臺山陽鄂畢特之舊游牧楚呼楚地方田土膏腴水亦充足牧馬之處既不甚遠毋庸動移卡座地方形勢亦頗佳勝請將雅爾城移於楚呼楚奏人

諭曰雅爾地方雪大牧場遙遠而附近可耕之地又屬無多今阿桂等勘得楚呼楚地方田腴水足牧場近便地方形勢亦佳應移城於楚呼楚至從前立城於雅爾因

大臣等甫經到彼詢問厄魯特等聽從其言酌定建城  
尙非甚謬朕所以不將伊等治罪然竟致移城朕卽不  
加譴責伊等於心何安理宜請罪具奏何得隱忍不以  
爲事著傳諭明瑞阿桂等查從前究係何人定議建城  
於雅爾之處卽明白回奏

十月奉

旨前赴烏什駐劄署理將軍印信

是年九月子阿思達卒

三十二年丁亥五十一歲

正月十八日



諭曰據烏勒登奏稱哈薩克因避雪越入卡內游牧五位帶兵前往驅逐等語想已移咨阿桂矣哈薩克等因伊處所雪大愛惜牲畜越入卡內今被驅逐如果恭順移去自毋庸另行辦理若復藉端支吾著照所請即將頭目人等擒拏具奏並將牲畜拘留其酌量施恩賞回之處俟朕再降諭旨惟哈薩克等屢經越卡游牧或驅之即去或托故遷延若不酌定章程恐伊等性情狡猾故爲嘗試卡座人員亦無所遵循可傳諭阿桂即速前往雅爾酌辦仍曉諭哈薩克等爾等係歸順大國臣僕理應輸納貢賦因大皇帝垂念外夷路遠免其進獻爾等

若以牲畜遇雪欲覓妥善地方進我卡內游牧亦當稟明我處大臣呈納貢賦方爲允當且今安集延布魯特等處部落來至回城均令納稅爾等既藉卡內地方游牧卽宜一體納貢嗣後將哈薩克馬匹牲畜如何抽取作貢及雪融後卽行遣回之處阿桂卽向哈薩克等詳悉示之定議具奏

二十四日

諭曰據阿桂奏稱伊犁貿易之哈薩克近甚稀少詢據哈薩克貝克等稟稱伊等牲畜均於游牧處經喀什噶爾之回子易去恐於伊犁等處需用牲畜有礙且彼此來

往貿易日久必致滋生事端已移咨綽克托嚴行禁止  
並諭令哈薩克將伊貨物扣留其回子拏解伊犁治罪  
等語阿桂所辦過當回子亦係朕臣僕卽與內地民人  
相等今民人各處貿易獲利豐盈生計饒裕豈不甚善  
回子向哈薩克交易均屬伊等有益之事如喀什噶爾  
等處牲畜既多伊犁烏魯木齊儘可通融應用豈有因  
貿易之故遽將貨物扣給哈薩克之理且喀什噶爾與  
哈薩克相離較遠尙有商販往來則伊犁之厄魯特伯  
德爾格回子等若就近前往交易亦甚有裨益而官用  
性隻得之亦易總之伊犁回子俱隸版圖大臣辦事務

持大體不可存畛域之見阿桂但期於伊犁有益益未  
籌畫及此前雖有禁止伊等彼此貿易之旨特以回疆  
新定不可令哈薩克紛紛往回地行走故止准在伊犁  
貿易今回子等前往哈薩克又非哈薩克攔入回地可  
比此等事體亦當因時制宜不可拘泥成案著傳諭永  
貴旌額里綽克托等惟將新疆回子往哈薩克游牧貿  
易如何不致滋生事端益公私均有裨益之處酌立章  
程會同阿桂詳悉妥議具奏

三月初六日

諭曰明瑞至京已差在滇省其總理伊犁等處將軍員缺

卽著阿桂補授

十五日

諭曰近據阿桂遵旨議奏秋冬雪落後請將塔爾巴哈臺卡座稍爲內徙暫令哈薩克等住牧每牲百隻抽一交卡上官員收取以充貢賦春季仍行遣回已交明瑞等公同議准此次卽應照所議辦理可傳諭阿桂伊或親往雅爾或將拏獲之牧丁人等解至伊犁明白曉諭併令將文書帶回交伊頭目遵照辦理至所獲之牧丁八名究係議前越界仍應酌量懲治遣往並將傳諭烏勒登等知之

六月二十二日

公奏言回部向在準噶爾時本不與哈薩克交通貿易惟與布魯特安集延互易馬匹嗣因伊犁雅爾駐劄大兵距內地較遠馬匹解往需時是以令向哈薩克互易馬匹且念回衆歸誠生計不無拮据因准其一律貿易今詢之伊等卽不與哈薩克通商惟向布魯特安集延貿易馬匹亦不致缺短於生計亦無妨礙請嗣後各分處所回衆於布魯特安集延霍罕等部貿易伊犁雅爾與哈薩克貿易兩得其便益先行曉諭布魯特安集延於貿易

時酌派頭目約束無令滋事回民前往給與執照  
若不往原定處所輒敢越境謀利者將牲畜一半  
入官示罰奏入下軍機大臣議行

閏七月十七日

公奏言管理伊犁索倫錫伯察哈爾厄魯特昂吉  
之領隊大臣等各統領一部落事務一切註冊行  
文若無鈐記不無私行添設等弊請將管理索倫  
錫伯察哈爾厄魯特領隊大臣等亦照辦理庫車  
英吉沙爾等小城大臣等一體各鑄給鈐記再糧  
餉處係辦理官兵俸餉等事駝馬處係收交各部

落牲畜調用一切牲畜等事關係帑項請每處各鑄給關防卽交該司員等掌管再固勒扎倉官及惠遠城倉庫官亦係收放糧餉緞布等項所關尤重請每處各給鈐記以免私行添改之弊奏入下軍機大臣議行

八月十九日

諭曰據阿桂奏稱現今伊犁換獲哈薩克馬匹稍多烏魯木齊巴里坤哈密等處營馬每年必須添補請照軍機處原議在官牧廠揀選臆好馬二千匹派撥官兵分起運送烏魯木齊添補營馬外其餘馬匹送往巴里坤哈



密添補彼處營臺馬匹如尚有餘剩再轉送內地應用  
其如何定價交納之處請交吳達善酌量辦理等語烏  
魯木齊巴里坤哈密等處每年應補營臺缺額馬匹從  
前各處購買長途趕回不無周章今阿桂奏請於換獲  
哈薩克馬匹揀選二千匹應好馬匹送往烏魯木齊等  
處添補營臺應用所辦好著寄信吳達善俟伊犁送到  
馬匹時卽添補營臺應用其如何交價並較內地買馬  
價值節省若干之處一併奏聞

恭錄

御製詩

再反白居易陰山道樂府仍用其韻

陰山道陰山道伊犁城郭今完好曰耕曰牧兩勤爲固

嘉禾原有草經冬如春可起羸分羣別色色潤皮在坳之

野數千匹厄魯孳生計日月

伊犁牧政以每年騾馬三匹例得字駒一匹牛則十字得

二積歲大加蕃息

將軍更復籌久長內地撥來十六七

將軍阿桂奏現在孳

馬充物又得哈薩克貿易馬匹爲數日盈自分往屯田各處應用外並請撥給綠邊營伍以資軍實督臣吳達善議

行豈似唐時回鶻驅市二萬翻爲中國苦計馬價絹五十

萬疋不免闕供數

二語隱括白居易與回鶻可汗書

達覽將軍尙噴有煩

言藕絲蛛網著之於身皆破處爾時公任爲可敦皇帝敬

問往復論納二十五萬權頒勅心愧於中辭不直徒令江

准民入繚長官督課精工織皆見居易文集詩中哈薩稱臣今數歲  
來以牝牡去幣絲一馬不過三四金較內地價廉幾倍從  
來邊事訾者多以今較昔竟若何

九月初七日

公奏言雅爾地方並未設立驛站一切應用物件  
俱自內地運至烏魯木齊復由該處取道伊犁所  
屬之呼蘇圖布拉克其間有大河數道濟渡時物  
件多被浸濕請由楚呼楚至色特爾默多沙喇呼  
魯蘇伊瑪圖烏爾圖布拉克地方設臺四座由奎  
屯至庫爾河沙喇烏蘇鄂倫布拉克地方設臺三

座將一切應用物件轉運每臺設兵十五名馬十五匹牛五隻兩臺添設委署筆帖式一員管理奏入下軍機大臣議行

十月二十二日

公奏言由京發遣伊犁年滿無過之滿洲蒙古人等請入於駐防八旗兵內漢軍入於綠營兵內一體挑取給與錢糧有願接取家眷者咨行該旗查明伊等眷屬咨送兵部官爲辦理護送其年老尙能當差者賞給步甲半分錢糧不能當差者給日糧一分度日奏入下軍機大臣議行

十二月朔七日

諭曰據阿桂奏伊犁地方荒徼每年巡察哈薩克等邊界及照料夷使須得戴翎人員始壯觀瞻外藩且易聽命除現在總管協領戴翎外請以滿營委前鋒翼長二員委前鋒章京四員俱戴花翎委前鋒枝三十二員驍騎校內擇技藝出眾者八員均戴藍翎等語伊犁係新定疆宇官員內戴翎者多外藩視之自覺壯觀著卽照所請行

三十三年戊子五十一歲

二月二十八日

諭曰現在續派官兵赴滇籌辦進剿緬匪一切機宜關係緊要必須重臣前往督率調度以期迅奏膚功大學士忠勇公傅恆著授爲經畧阿里袞阿桂著授爲副將軍舒赫德著授爲參贊大臣阿桂現已傳旨令其來京再赴滇省舒赫德卽行馳驛前往雲南與阿里袞鄂寧豫辦軍營事務傅恆俟將次進兵再行前往

三月

諭曰熟籌征剿緬匪明年一舉成功方始進兵阿桂尙毋庸速到俟應來之時再降詔旨

四月十九日

諭曰伊犁圖前往伊犁更換阿桂阿桂俟伊犁圖到時速  
行來京

二十一日奉

旨阿桂著補授兵部尙書

五月奉

旨伊犁圖到伊犁時阿桂不必久任至十日卽交代來京  
又奉

旨仍兼都統

六月初四日自伊犁回京

二十六日奉

旨雲貴總督員缺著阿桂補授

七月初五日

公奏言定例五年軍政卓異者咨部引

見年老有疾者草職查伊犁爲極邊要地各員中年老有疾者卽應奏請草職不必待軍政之年卓異者俟有應升之缺開載卓異字樣具奏不必咨部引

見再各省城守尉協領有六年引

見之例伊犁滿營較內地尤爲緊要請嗣後年滿之城守尉協領等不必咨部引

見能否稱職出具考語具奏如果有勞績者再遵例引



見其錫伯察哈爾總管等亦請一併辦理奏入下軍機大

臣議行

初六日

諭曰阿里袞議奏明年添兵進剿緬匪預備馬匹口糧一摺已交軍機大臣議行矣但此事尙不必亟辦進剿機宜當先使賊疲敝本年賊聞進兵之信必已防備明年又復如此賊仍防備如此二三年再行前進則一舉可成若此時得有機會卽亟辦亦可昨授阿桂爲雲貴總督卽令赴任與阿里袞籌酌阿里袞在雲南將及一年熟諳彼處情形俟阿桂到任會議後卽著來京面奏一

切再行定擬此時應加防守之處照舊辦理

十月初五日

諭曰阿桂到任後係以總督兼副將軍一切滿漢營伍自應一體統轄

十二月十九日

諭曰阿里衮辦理達禮善等勦殺擺夷一事種種錯謬伊從前凡遇行陣頗知奮勉詎到該處惟知擁兵駐劄以戍守塞責阿桂在京時籌畫亦甚周妥行至中途卽欲釋回緬匪謀者冀圖將就了事伊等如此辦理必至貽悞機宜殊堪痛恨朕今添派索倫等兵二千名前往著

傳諭阿里袞阿桂務遵節次諭旨率領進剿務使賊匪  
畏懼乞降尙可將功抵罪倘仍退縮株守稽延時日朕  
彼時另行遣員勦辦伊能不顏厚耶此事究應作何完  
竣著各據所見明白迴奏

二十六日

諭曰阿里袞阿桂奏聞賊匪現在戛鳩地方派海蘭察瑪  
格巴朗克車德依那木札勒豐昇額等帶領官弁三百  
餘員在前隊伊等親率侍衛官弁一百餘員接應派綠  
營兵五百名令哈國興長青等帶領出萬仞關遙爲聲  
援均不攜帶行裝等語所辦尙屬妥協此次阿里袞等

輕裝前進馬匹口糧雖不能充足倘能多有斬獲儘可  
資進兵之用著傳諭阿里袞等轉飭海蘭察等至戛鳩  
地方設所獲賊匪糧米甚多務量力進取卽添兵續進  
亦不可不預爲之處惟在伊等臨時籌度萬全可耳再  
據奏各處所有馬三千餘匹疲瘦居多酌選四百餘匹  
令官弁等乘騎等語此係經管官弁不善飼餵所致來  
年進兵如何充用阿里袞等亦宜預期查辦並將近日  
辦理一切情形詳悉速奏

是年十月子阿彌達授爲藍翎侍衛